

tum recentiores, quorum hi illis persæpè sunt clariores & faciliores.

Hæc methodus observanda est in systematis, prout nos docuit *Keckermannus* & exemplo, & præceptis suis hac de re editis. *Cl. Timplerus* sua systemata tradit per theorematum, & problematum. Si illius methodus arridet, utere fruere.

██

SECTIO VII.

De gymnasiiis disciplinarum.

Talis erit ratio systematum in quibuslibet disciplinis: sequitur modus gymnasiorum.

Omnis artes sua habent Gymnasia.

Omnis enim disciplinæ sua habent gymnasia. Hoc quia est controversum, probandum est. Probo autem inductione, rem ita sese habere. Artes ποιητικὲ, uti sunt logicæ illæ, habent sua gymnasia. Vide *Keckermannum*, qui tradidit Logicam per Systema & Gymnasium, Rheticam consimili methodo. Scientiæ & artes theoreticæ & practicæ sua etiam habent gymnasia. Rationem peto ex illo protrito: *Natura incipit, ars dirigit, usus perficit.* Exinde videre est, quod quælibet disciplina discatur duobus mediis, naturâ & curâ. Cura illa est, vel artis, vel exercitationis. De curâ artis systemata præcipere debent. Ubi jam est cura exercitationis? Ea tradenda utique, nisi vehementer fallor, in Gymnasiiis disciplinarum. Sed hoc est, quod hodie autores neglectum eunt. Sed magno & suo & dissentium damno. Ego enim nunquam